

欽定石渠寶笈三編

欽定石渠寶笈三編

乾清宮藏

九

列朝名人書畫

唐歐陽詢夢奠帖墨蹟

一卷

唐臨黃庭經

一卷

南唐周文矩重屏會碁圖真蹟

一卷

南唐周文矩仕女圖

一軸

南唐王齊翰畫採芝仙

一軸

宋徽宗寫生翎毛

一卷

宋高宗賜岳飛批答

一卷

宋李成畫秋山漁艇

一軸

宋范寬畫山水

一軸

宋僧巨然秋山問道圖

一軸

宋郭忠恕雪霽江行圖

一卷

宋燕文貴雪山行旅圖

一卷

宋趙昌畫牡丹

一軸

宋郭熙雙松圖 一軸

宋郭熙畫山水 一軸

宋勾龍爽香山九老圖 一卷

宋蔡襄洮河石研銘 一卷

宋李公麟臨韓幹師子驄圖 一卷

宋李公麟仙山樓閣 一軸

宋米友仁姚山秋霽圖 一卷

宋趙伯駒桃源圖 一卷

宋趙伯駒蓬瀛仙館圖 一卷

宋趙伯駒仙嶠白雲圖 一卷

宋李唐山館圖 一軸

宋蘇漢臣畫五瑞圖 一軸

宋蘇漢臣九孝圖 一軸

宋劉松年壺嶠仝期圖 一卷

宋劉松年唐五學士圖 一軸

宋李嵩畫海屋添籌 一卷

宋李嵩聽阮圖

一軸

宋夏珪雪履探梅圖

一軸

宋夏珪山居留客圖

一軸

宋岳珂自書玉楮詩藁

一冊

宋錢遜九陽消寒圖

一軸

宋人畫百花圖

一卷

宋人畫花鳥

一卷

宋人畫萬山積雪圖

一軸

宋人畫子孫和合圖 一軸

宋人畫撲棗圖 一軸

宋人畫新韶花鳥 一軸

宋人畫萬年青 一軸

宋人畫龍 一軸

宋人畫子母牛 一軸

唐歐陽詢夢奠帖墨蹟 一卷

本幅紙本。縱七寸八分。橫一尺四分。行書。仲尼夢奠。七十有二。周王九齡。俱不滿百。彭祖資以導養。樊重任性。裁過盈數。終歸冥滅。無有得停住者。未有生而不老。老而不死。形歸邱墓。神還所受。痛毒辛酸。何可熟念。善惡報應。如影隨形。必不差二。無款印。

引首



高宗純皇帝御筆。真蹟無疑。向已論夢。此文不復贅言。乾隆丁巳孟冬御筆。鈐寶三。

太上皇帝。乾隆。

後幅題跋。

右唐銀青光祿大夫太子率更令渤海郡歐陽詢字信本。書仲尼夢奠帖七十八字。前後御府法書二小印。後有紹興小印。合縫處古印甚多。下跋一吉字。未曉誰氏。庚寅十月購。

於楊中齋家。悅。

二字原寫  
倒乙轉

生圖書。亦曾入賈。

秋壑文府。率更初學王逸少書。後漸變其體。  
筆力嶮勁。為一時之絕。人得其尺牘。咸以為  
楷範。張懷瓘云。歐陽真行出於大令。自羊薄  
已後。畧無勁敵。獨永師恃兵精練。議欲旗鼓  
相攻。歐惟猛銳長驅。永則破膽奪氣。法書苑  
亦云。信本行書。蟬聯起伏。凝結遒聳。裁蕭永  
之柔懦。拉羲獻之筋髓。比之諸勢。出於自得。

此本勁嶮刻厲森森然若武庫之戈戟向背  
轉摺。渾得二王風氣。世之歐行第一書也。辛  
卯二月辛未。重裝。九日丁丑。跋於嚴陵官舍。  
金城郭天錫審定真蹟。秘玩無印記。歐陽  
信本書清勁秀健。古今一人。米老云。莊若對  
越。俊若跳擲。猶似未知其神奇也。向在都下。  
見勸學一帖。是集賢官庫物。後有開元題識。  
具全筆意。與此一同。但官帖是硬黃紙。為異。

耳。至元廿九年閏月望日。為右之兄書。吳興  
趙孟頫。鈐印一。趙子昂氏。韋續墨藪。歐陽  
正行書在中上品。歐教作書有八訣。最利初  
學。學者觀古人書。必觀墨蹟。乃見妙處。此夢  
奠七十八字。真人間絕無。僅有希世之寶也。  
蓋嘗入宋御府矣。趙文敏所題。考碑志。是三  
十七八歲筆。故與後來特異。吾家蓄古墨蹟。  
此為最久。正統八年四月六日。楊士奇謹識。

鈴印二。楊士奇氏東皋春雨。歐陽率更學  
王右軍書。險勁瘦硬。自成一派。議者謂其真  
行得獻之法。羊欣薄紹之後。絕無能敵。獨智  
永欲與旗鼓相當。而率更猛銳長驅。智永亦  
避鋒奪氣。其傳授善奴書訣。筆意殆盡。至雞  
林遣使求其書。當時名重如此。茲夢奠帖七  
十八字。潘師旦曾刻鋒帖中。項墨林藏真蹟  
於天籟閣。清勁絕塵。有郭天錫趙子昂二跋。

其內府秘印收藏圖記。天錫言之甚悉。後又  
入楊東里家。東里跋於正統八年。年已七十  
有九。楷法莊嚴。無衰老態。張氏書畫舫云。東  
里跋不存。今東里之跋具在。且接紙處圖記  
宛然。似非經遺失者。張青父或未目見耶。頃  
從崑山傳是樓得之。炎景杜門。靜閱數日。所  
謂龍蛇飛動。戈戟森列者。良不虛也。此字原脫補於跋尾唐彦猷得率更書數行。精思學之。遂以名

世。余衰懶不能勤事臨摹。惟於春秋佳日出  
佐吟覽。譬如人家有國色之姝。可以加餐。獨  
旦老翁聊藉此加餐也。康熙庚辰七月十八  
日。秋暑未減。畹蘭再發。書於清吟堂。江邨高  
士奇。竹牕鈴印三。高詹事。江邨士奇之章。不  
以三公易此日。元郭祐之藏歐陽信本子  
奇夢奠二帖。珍為秘寶。而尤以夢奠帖為暮  
年所書。紛披老筆。殆不可攀。鄧文肅嘗於郭

公山房見之。閱三十載。猶有餘慕。而夢奠帖獨有趙文敏一跋。聲價倍重矣。墨池瑣錄云。陳景元評歐書云。世皆知其體方。而不知其筆圓。今觀文敏跋。以米老贊莊若對越。俊若跳擲。猶似未知其神奇。不已為歐公闡幽耶。細審是帖。用筆之意。直與蘭亭相似。宜乎唐人評論。以歐書居褚河南薛少保之右。不誣也。康熙五十七年。歲次戊戌。冬十月廿四日。



橫雲山人王鴻緒題於長安邸舍。時年七十有四。鈐印三。王鴻緒印。儼齋。大司農章。歐陽率更正書。結體自樂毅論來。此夢奠帖行體。又從蘭亭中來。豈公多臨禊帖。故筆意與之相近歟。觀者要於眼外出力。華亭後學朱應祥題於周鳴鳳鑒古齋。無印記。

卷內分鈐

寶璽  
乾隆鑒賞  
乾隆御覽之寶

鑒藏寶璽

全五璽

寶笈三編

收傳印記 天籟閣 高氏江邨竹堂珍藏書畫

之印 項墨林印 陳氏清白之遺 項墨林鑒賞

章 一連近民 淨因庵 墨林項季子章 幻浮元汴

之印 項子京氏 桃花源裏人家 子孫永保 古

策 二重會心處 退密 一重宮保世家 攷古正今 趙

子昂氏 彞 難 篆作 形 世外法寶 一重 蘧廬子京珍秘

隱居放言 神品 二重 騶駢書府 一重 墨林堂 嵩笠

生○有何不可○煮茶亭長○楊士奇氏○重御府法

書○重元汴○方小連印又子京○重墨林秘玩○重項

子京家珍藏○重喬簣成氏○又墨神奇香嚴居

士○雲間王鴻緒定印○喬氏私印○平生真賞○重

悅生○形蒨蘆高士奇○子孫世昌○項元汴印○重江

邨秘藏○孔繼涑印○陳淮審定○紹興○項墨林父

秘笈之印○重沮溺之傳○廬陵楊士奇○若水軒

墨林外史○梭嚴精舍○西疇耕耦○項叔子○士奇

之印

又同文一

楊氏家藏。重墨林主人携李項氏

士家寶玩。博雅堂寶。既印。墨林硯癖。項元汴

氏審定真蹟。惟心淨土。鴛鴦湖長寄傲高士

奇圖書記。

重項墨林鑒賞法書名畫廬

上一字殘

缺不

可辨。吉泰和楊士奇圖書記。

重圓印

長夢禪室

鑒。陳淮望之氏一字孫洲。惠泉山樵。墨林嬾

叟。虛朗齋。游方之外。審定真蹟。孔繼涑字信

夫。京兆。

重二

竹窻。儼齋秘玩。癖茶居士。野處墨。

林。重子京所藏。重墨林山人。赤松仙史。子孫

世昌。田疇耕耨。泰和墨林父。橫雲山人。商邱

陳淮書畫之印。繼洙鑑定真蹟。神游心賞。鈴

縫一小連印。模糊不可辨。又前後有花押二

又墨書禪字吉字。

謹案郭昇字天錫。一字佑之。或作祐之。或作  
右之。號北山。丹徒人。歷官吳江教授。辟江浙  
行省掾史。書法出入趙文敏。見鎮江府志。楊  
士奇初名寓以字行。永樂初由編修入直文  
淵閣。累官少師。華蓋殿大學士。贈太師。諡文  
貞。明史有傳。朱應祥字岐鳳。號鳳山。成化丁

酉歲貢。見松江府志。

唐臨黃庭經 一卷

本幅金粟牋本。縱八寸四分。橫三尺三寸四

分。楷書黃庭經。

經文不錄。

無款印。幅末題識。嘉定

己卯得之。釋全無見。全逮事光宗潛邸。謂此

故紹興御府物也。秋七月以歸。康靖叔父東

陽滕仲喜書。

前隔水標題。

唐臨黃庭經。

後隔水題識

唐臨黃庭。不言其為誰手。大都鍾紹京為之。  
董其昌觀。余有紹京書道經。故知此書所  
自。其昌又題。

後幅題跋

黃庭經。或以為衛夫人書。或以為王逸少書。  
內景經。嫵媚絕倫。其李氏作歟。外景超逸筆  
墨。蹊徑又題永和山陰縣寫。為換鵝無疑者。



余嘗見唐摹搨本。又見顏魯公臨本。此本形  
狀未成。骨體峭快。似吳興小兒。為唐硬黃本。  
可信也。因為之贊。贊曰。精不離氣。神未忘心。  
蟬蛻物表。何簡爾憑。援筆方書。金神下臨。卿  
書感我。况彼林林。我籠有鵝。我獻我吟。斯人  
不作。亘古於今。至治三年八月二十九日。吳  
興陳繹曾醉書。人材莫盛於永和。善書莫  
精於逸少。余嘗健羨右軍蘭亭。繭楮一幅。唐

代重猶奇珍。沙門竊獻以希尚好。愈見書法振於唐也。彼時猶親翰不可得。况黃庭一經。虜若世南若嶠若真卿。能書於楷法。公權五雲體。懷素草聖筆。精妙入神。而終莫若右軍也。故唐人臨此一楮。字勢婉婉。勾劃逼真。誠未易得也。流傳於紹興天府祕藏之。俾百世觀於斯文。孰不曰書罷龍鵠去。想其書而思其人。慕其德。而珍藏此卷於不忘者。亦其好。

事之君子乎。任水謝君伯仁。以斯文而示予。求其說。蓋必好古之心。自不能已者。非徒為博雅也。抑亦於書法中深得古人之遺意者乎。武林管皞元伯走筆書於至正五年八月。既望。以識其一見云爾。鈐印二。管皞元伯墨蹟。古人鄭重。而最重者小楷。況是黃庭更當貴重。此卷為梁摹無疑。蓋有據也。梁武帝評陶宏景書。有言似吳興小兒形。雖未成骨。

體駿快。則知吳興小兒在陶宏景之前也。後有陳繹曾跋為吳興小兒硬黃本。非梁筆而何。繹曾不唯鑒賞書法章草。即此一跋。莫可比論。唐人真蹟。今已稀購。而況梁代真蹟哉。董太史題為鍾紹京謬矣。余敬題於後。自有識者。再評此卷。當與梁摹樂毅論珍之。余家所藏梁代真蹟。只有此二卷。不可輕視為泛泛也。寶之寶之。己未夏日。餘清齋主人吳廷

識。鈐印二。吳廷私印。用卿。

舊題籤

唐臨黃庭經。陳氏登善堂藏。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全。寶笈三編。

收傳印記。延賞樓圖書印。延之。劉承禧印。不  
棄。劉延之印。重。吳廷。餘清齋圖書印。吳廷書。

印。儀周鑒賞。儀周珍藏。安儀周家珍藏。紹興  
邢侗之印。重希世之珍。東郭生亨甫。郭衡階  
印。朱公秩大用心賞。鮮于印。蒼巖。劉延伯氏  
朝鮮安岐之印。陳氏登善堂書畫記。重陳崇  
本印。伯恭翰林學士。臣崇本印。樞言。崇本鑒  
藏。梅花屋主人。伯恭祕笈之印。陳崇本書畫  
印。又太極圖印一。餘四印漫漶。

謹案廉靖乃滕寇號寇沈敏好學不急仕進  
葉適奏其學行特授號廉靖居士見蘇州府

志題識稱康靖叔父知仲嘉為吳人言東陽  
者其舊貫也陳繹曾字伯敷處州人官至國  
子助教元史附陳旅傳一云字伯孚吳興人  
吳廷字用卿徽州人即刻餘清齋帖者跋中  
所辨吳興小兒誤謬殊甚廷蓋富於貲因與  
董其昌等交本非淹雅士也

南唐周文矩重屏會碁圖真跡 一卷

本幅絹本。縱一尺二寸五分。橫二尺二寸。設色畫。二人對奕。二人旁觀。一童侍。後列畫屏。屏前施榻二。陳諸器皿。無款印。

後幅題跋

昔人評畫。謂人物近不及古。周文矩深得景元遺法。此圖尤屬高古神妙。豈後人所能夢見乎。宣和秘府鑒藏精確。得其標題。更足為



重拱壁勿與易也。頤庵其寶之。宣德辛亥冬  
季。雲間沈度書。鈐印三。雲間沈度。瑤臺雪鶴。  
自樂軒。右周文矩所作曾基圖。乍展徽廟  
金題。殊不解重屏為何義。及細閱之。二人據  
胡床對奕。二人對坐觀局。各極其神情凝注  
之態。傍設一榻。陳列衣笥巾篋。一童子拱侍  
而聽。揮指上設屏障。障中畫人物器皿几榻  
色色高古。後作一小屏。山水層次掩映。體認

方得了了。始悟重屏之名有以也。且筆法纖麗。豈後世庸史所能結想耶。是卷當有北宋名賢題詠。一經進呈。便爾剪割。惜哉。圖後有緼真齋諸印。是曾經柯博士所賞。近為吾友朱君子儋寶藏。借觀累月。愛玩不能已已。謹題。顰尾而歸之。正德戊寅九月既望。長洲文徵明識。鈐印二。徵明。

卷內分鈐

高宗純皇帝寶璽 乾隆御覽之寶 乾隆鑑賞

鑒藏寶璽

全五璽

寶笈三編

收傳印記

雙龍小璽 宣和

重半印 司

重半印 口珍

藏記政和

印半

縕真齋棠村審定伯和真賞

印半

安儀周家珍藏

謹案周文矩。句容人。仕南唐後主為待詔。沈  
度。字民則。號自樂。華亭人。永樂時累官翰林  
學士。俱考見續編。跋中所稱頤菴。乃胡儼號。  
朱子儼。則朱承爵字也。承爵江陰人。著有灼  
薪劇談。存餘堂詩話。見四庫全書提要。

南唐周文矩仕女圖 一軸

本幅絹本。縱五尺六寸五分。橫三尺二分。設色畫。桐陰仕女。凭欄觀書。旁有狸奴一。無款印。

軸內分鈐

高宗純皇帝寶璽。乾隆御覽之寶。乾隆鑒賞。

鑒藏寶璽

全五璽

寶笈三編

南唐王齊翰畫採芝仙 一軸

本幅絹本。縱三尺一寸。橫一尺六寸七分。設色畫。採芝仙拈花荷筠籃。一鶴隨後。無款印。

舊題籤

唐王齊翰採芝仙真跡。第一神品。慶書錄鈐印。二。南有堂。一印不可辨。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽寶笈三編

收傳印記天厯之寶商邱宋犖審定真跡商  
邱陳淮書畫之印蘭陵文子收藏吳門繆氏  
珍賞大明安楚昭勇將軍李氏珍玩致和齋  
謹案王齊翰金陵人官翰林待詔考見續編

宋徽宗寫生翎毛一卷

本幅絹本。縱八寸四分。橫八尺一寸八分。設色畫紫荔香梳。文禽彩蝶。前題御畫寫生翎毛圖。鈐璽三。御書宣。後款御筆。鈐璽一。御書。上有御押。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

宋高宗賜岳飛批答一卷

本幅紙本縱一尺四分橫二尺二寸四分行

書得卿九日奏已擇定十一日起發往

關一字

黃舒州界聞卿見苦寒嗽乃能勉為朕行國

爾忘身誰如卿者覽奏再三嘉歎無數以卿

素志多虜常苦諸軍難合今兀朮與諸頭領

盡在廬州接連南侵張俊楊沂中劉錡等共

力攻破其營退却百里之外韓世忠已至濠



上。出銳師要其歸路。劉光世悉其兵力。委李  
顯忠。吳錫。張琦等。奪回老小孳蓄。若得卿出  
自舒州。與韓世忠。張俊等相應。可望如卿素  
志。惟貴神速。恐彼已為遁計。一失機會。徒有  
後時之悔。江西漕臣至江州。與王良存。應副  
錢糧。已如所請。委趙伯牛。以伯牛舊常守官  
湖外。與卿一軍相諳。委也。春深寒暄不常。卿  
宜慎疾。以濟國事。付此親札。卿須體悉。十九

日二更。付岳飛鈐寶一。御書之寶。下有御押。  
後幅題跋

此宋高宗手札岳武穆飛北伐之勅。觀其辭  
氣體。卹調度得宜。以張韓劉楊為犄角。以王  
趙督錢餉。慮兀術遁去而促其速進。中興事  
業成在旦夕。其曰國爾忘身。其曰素志殄虜。  
君上之知臣下。三代以後。實為罕匹。宜武穆  
之盡忠報國也。夫何奸旋沮之。身死詔獄。宋

帝前何明而後何暗也。書生曰：內有奸相，邊將何由立功？信哉！三復是勅，志士不能不為之隕涕云。嘉靖四十有一載，仲秋既望，古樵李墨林項元汴謹識。鈐印三：墨林、項元汴印。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

收傳印記。江氏凌寒竹軒珍藏印。軒畔甫印。

印。半。汴。印。半。江。恂。私。印。鑑。賞。章。印。半。趙。字。上。有。伊。子。

子。孫。孫。永。保。用。退。密。印。半。墨。林。重。二。印。項。子。京。印。半。

攜。李。項。氏。印。半。趙。孟。頫。印。楊。氏。家。藏。江。恂。項。元。

汴。印。重。墨。林。祕。玩。携。李。李。氏。鶴。夢。軒。珍。藏。記。

齋。印。半。庵。印。半。世。昌。印。半。項。墨。林。鑑。賞。章。寄。教。項。墨。

林。甫。秘。笈。之。印。墨。林。山。人。項。子。京。家。珍。藏。墨。

林。子。孫。永。保。攜。李。項。氏。士。家。寶。玩。平。生。印。半。淨。

因。印。半。

宋李成畫秋山漁艇一軸

本幅絹本。縱六尺七寸五分。橫三尺二寸。設色畫。碧嶂丹林。巖間樓閣。登閣坐客。凝眺橋外。繫一艇。有漁人舉罾者。款李成無印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全。寶笈三編。

收傳印記

喬氏

印

半南陽家藏。口口世家。菴

印半

米。

謹案李成字咸熙長安人。後徙青州。故又為營邱人。喜吟詩。善琴奕。畫山水尤工。人多傳秘其跡。宋史附李覺傳。

宋范寬畫山水 一軸

本幅絹本。縱三尺七寸五分。橫二尺七寸六分。淺設色畫。古寺藏巖。小橋通徑。幽人策蹇。童子抱琴。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全

寶笈三編

收傳印記。傳是樓。崑山徐氏鑒藏。一印不可

辨。

謹案范寬。名中正。字仲立。華原人。性寬緩。人因目之為范寬。考見續編。



宋僧巨然秋山問道圖 一軸

本幅絹本。縱四尺八寸八分。橫二尺四寸。水墨畫深山茅屋。一徑通幽。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全

寶笈三編。

收傳印記。蔡京珍玩印。墨孟津王鏞世寶。琅邪世家半印。一不可辨。

謹案巨然。江寧人。開元寺僧。工畫山水。李煜  
歸命。巨然。隨至京師。遂有聲譽。夢溪筆談云。  
巨然祖述董源。皆臻妙理。

宋郭忠恕雪霽江行圖 一卷

本幅絹本。縱一尺一寸二分。橫四尺四寸七分。界畫畫。雪色空明。江流奔駛。方舟並濟。百丈牽行。小舟在旁。舟人手篙止其撞擊。上方有宋徽宗瘦金書雪霽江行圖郭忠恕真蹟。鈐璽一。御書之寶。

後幅題跋

右郭忠恕雪霽江行圖。神色生動。徽廟題為

真蹟誠至寶也。大德二年二月廿三日。同霍  
清臣。周公謹。喬筭成。諸子。獲觀於鮮于伯幾  
池上。是日郭右之出右軍思想帖。亦大觀也。  
趙孟頫書。鈐印二。趙孟頫印。趙子印氏。郭  
恕先畫工於界畫。筆力軒舉。精采煥發。樓閣  
殿亭車馬舟楫之類。無不凌空結撰。米芾  
稱爲能品。觀此洵不虛耳。虞集鈐印一。虞集  
此圖藍本。出於唐人製作。予曾見之。恕先

摹古而得其精髓。可謂毫髮無遺憾。波瀾獨  
老成也。弁陽周密鈐印二。弁陽老人公謹。

至正辛丑重九日。泰不華觀於寬簡堂。書

一索前行再索隨。江皋風定雪晴時。檣移曲  
岸人爭健。屹挽頽波力自推。寒色低垂雲漠  
漠。浪花平捲路遲遲。披圖不盡窮毫末。神技  
應稱老畫師。匏菴吳寬鈐印一。匏菴。予於  
雲間張東海家見此公滕王閣圖。賞玩旬日。

通知是卷為真蹟至寶也楊循吉識鈐印二

楊循吉印君謙地臘後半月小集同年施

硯山齋是日天氣炎歊呼童搖扇汗淫淫不

止適胡侍御北平來攜郭恕先雪霽江行圖

眎余原刮去一字而閱之頓覺颯然風生如坐我

冰崖雪峪間也畫作大舟二小舟一篙者檝

者施者百丈者走者立者皆縮臂側面有慄

慄不耐寒狀船屋上葦索累累堆雪若砌鵝

犬盡蝟毛桀磔。岸石礫砢突聳。恍惚呼呌聲  
出紙背。噫三尺驚溪絹。遂極萬里澎湃千巖  
黯淡之致哉。恕先生五代時。後入宋。仕主簿。  
世傳為僊子。瞻贊其山水屋木為畫聖。而宣  
和譜二三當作十四幅。獨缺是圖。畫繼亦云。然  
幅後有道君御書璽文可證。豈當日以尺幅  
稍窄。不入譜耶。抑序譜時。或已別賜近臣耶。  
要其筆墨精妙。係郭真蹟無疑也。北平其什

襲世世珍之時康熙戊午歲華亭沈荃題鈐  
印三。承恩堂。沈荃之印。宮詹學士。

卷內鈐

高宗純皇帝寶璽。乾隆御覽之寶。

鑒藏寶璽

全五璽。寶笈三編。

收傳印記。天籟閣司印。印。晉府奎章。子京父

印。鍾項元汴印。鍾項子京家珍藏。項墨林鑑

賞章。鍾樵李。項墨林父秘笈之印。子孫世昌。



子京墨林珍賞。虛朗齋寄傲墨林山人。墨林秘玩。

謹案郭忠恕字恕先洛陽人考見續編周密字公謹號草窗本齊人曾大父扈宋高宗南渡遂為武林人至密又徙吳興自稱弁陽老人陳善杭州府志云密詩極典雅善畫得燕軌自題其上泰不華字兼善伯牙吾台氏初名達普化文宗賜以今名年十七江浙鄉試第一明年賜進士及第授集賢修撰歷贈平章政事封魏國公諡忠介元史有傳吳寬字原博號匏菴長洲人成化甲辰進士俱考見續編

續編

宋燕文貴雪山行旅圖 一卷

本幅絹本。縱九寸九分。橫一丈五寸。設色畫。巖巒洲渚。飛雪漫空。蹇騎鈴馱。迤邐山徑。款款燕文貴摹王右丞筆。無印。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全。寶笈三編。

收傳印記。度藏寶玩。項墨林鑑賞章。魏世印。

三半印漫漶。

謹案燕文貴吳興人端拱中詔入畫院考見續編

宋趙昌畫牡丹

軸

本幅絹本縱四尺五寸橫一尺七寸七分設色畫牡丹數枝。襯以芝蘭款趙昌篆鈐印一趙昌。

軸內分鈐

高宗純皇帝寶璽乾隆御覽之寶乾隆鑑藏

鑒藏寶璽

全五璽

寶笈三編

收傳印記項墨林珍賞印松雪齋圖書印仲

姬寶晉齋宋口式葫蘆大口制口二印漫漶

謹案趙昌創南人善畫花果初師滕昌裕後過其藝見聖朝名畫評

宋郭熙雙松圖 一軸

〔本幅〕絹本。縱四尺九寸。橫三尺一寸六分。墨畫古松二株。款郭熙。鈐印一。六可辨。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全。五璽

寶笈三編。

宋郭熙畫山水一軸

本幅絹本縱五尺九寸橫二尺九寸五分淺  
設色畫山椒湧塔柳岸維舟款河陽郭熙無  
印。

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編

謹案郭熙河南溫人為御畫院藝學畫山水  
寒林施為巧瞻位置淵深見圖畫見聞志

宋勾龍爽香山九老圖 一卷

本幅絹本。縱一尺三寸七分。橫六尺三寸。設色畫。香山九老。三老倚樹石觀書。一起取飲。二藉地對弈。一旁觀。一坐石撫琴。一老衲藉蒲團而聽。童子五。鶴二。長松翠竹。流水潺湲。款勾龍爽造。無印。

卷內分鈐

高宗純皇帝寶璽。乾隆御覽之寶。乾隆鑑賞。



鑒藏寶圖

全五

寶笈三編

收傳印記起文丹品逸史畫印印公綬心遠

堂圖書印石民瞻氏石岩之印度藏寶玩雲

林生二印漫漶

謾案勾龍與蜀人好丹青神宗時為圖書院  
祇候善作中古人物其狀質野有返樸之意  
見聖朝名畫評

宋蔡襄洮河石研銘一卷

本幅紙本。縱八寸二分。橫四尺七寸七分。行書。七月二十八日。瑞卿老友。以洮河石硯惠予。甚可愛。兼能下墨。隔宿洗之。亦不留墨痕。其肌理細膩瑩潤。不在端溪中。洞石下。色微白。有紅絲。俗傳為紅絲研者。殆是耶。嘗考前人論硯之優劣。詳矣。不費筆。即退墨。二德難兼。世人每愛鸚鵡眼。第未知。下脫字。眼為石病。然

有眼亦未始不可。總以活眼為上乘。質之粗者。概弗論矣。至於雕文刻理。花藻繽紛。以俗手出之。縱有良材。乃遭其厄。予所弗取。明窗淨几。無塵事相接。磨墨伸紙下脫隨意作大小數十字。此時如無良硯。則興趣索然矣。予因瑞卿之惠。而書其大畧如此。蔡襄書於瑞穀山房。鈐印一。君謨之章。

後幅題跋

右為蔡君謨所書洮河石硯銘筆力陳縱自  
為一體當時位置為四家竊嘗評之東坡渾  
灝流轉神色最壯涪翁瘦硬通神襄陽縱橫  
變化然皆須以放筆為佳若君謨作以視拘  
牽繩尺者雖亦自縱而以視三家則中正不  
倚矣字學亦有風氣僕謂君謨之書猶歐公  
之詩也繡江出示此卷遂附識之以質之知  
此中三昧者至元辛卯二月廿有四日大梁

王芝拜題於寶墨齋。鈐印二。王芝之印。寶墨齋。臨池遙憶古名賢。展卷晴窗籠麝煙。自有風雲含意匠。擬將金石並流傳。蘇黃埒品文章貴。虞褚承流波磔妍。手拓硬黃慚學步。玉蟾滴水自涓涓。至大己酉春三月。蒙城由衍題。鈐印一。田衍之印。看雲老人吳全節。觀鈐印二。吳全節印。賜閒閒看雲之章。余論宋人書。以君謨為第一。多以不然。然余終

守此說也。今閱此硯銘。思過半矣。巴西鄧文原鈐印二。鄧文原印。巴西鄧氏善之。作字要手熟。則神氣完固。而有餘韻於靜中。自是一樂事。然常患少暇。豈於所樂常不足耶。余聞蔡君謨書。獨步當世。徃徃謙讓。不肯主盟。而蘇子瞻嘗謂君謨云。學書如沂急流。用盡氣力。不離舊處。君謨頗諾。以為能取譬。由是觀之。君謨書法。自足冠一時。有宋諸家。鄧副

使之稱良不誣也。雲間老鐵楨在小蓬臺試  
老陸穎鈴印七。小蓬臺鍊史。白雲蒼石佳處。  
會稽楊維楨印。楊廉夫鍊笛老人。九山白雲。  
泉南一麾漫夷猶。筆墨清緣老更遒。半幅  
麥光鋪水閣。懶將逸興續滄洲。洪武十二年  
七月望日。吳雲鈴印一。吳雲友雲之章。茶  
竈煙清石枕涼。玉膚如乳墨如漿。洮河留得  
君謨帖。比似邨醪味更長。永樂二年孟冬之

吉○山陰唐肅題○鈴印三○唐肅○唐氏處敬○丹崖  
居士○齊郡張紳拜觀○鈴印二○紳○雲門山房○

吳郡陸友同觀○

隸書

忠惠公書○素以莊雅○

金聲玉色○正笏垂紳○有古大臣立朝風度○此  
書洮河石硯銘○剛健中別具蒼莽之概○更令  
邯鄲無從學步○真老境也○雖書譜中不載此  
卷○然吉光片羽○照耀藝林矣○乙酉冬初吉日○  
北礪生薛穆拜手敬題○鈴印四○希古作者安○



稚生。薛穆私印。薛公遠。

何處尋源溯洮河。

一卷入手共摩挲。坡公鳳咮千秋重。歛石於  
今世較多。辦香珍重視前賢。翰墨輝煌溢蠹  
編。宋四家書皆詣極。蘇黃還應讓公先。永樂  
十四年。歲次丙申。春三月廿有五日。姑蘇滕  
用亨題於希大堂。書隸鈐印一。用亨。宋四家  
書法均各臻其極。似難軒輊。第四家中惟忠  
惠公書。如落落晨星。未能多覩。憶自都門得

從顧澄齋中表處所藏王要叔桃花羅雀圖。上有忠惠七言斷句一首。墨光冲淡。波磔端謹。為可尋味。較勝要叔之畫卷。再四為之惻然。今忽晤此幅。如逢故物。以數年積想之殷。驟得欣然握手。其愉快為何如耶。況卷中約共二百餘字。形態飛舞。足供尋玩。非僅如題畫斷句。為可一覽盡也。惜為好友顧研山物。未可攘取。每于過從時請觀。即何啻自藏予。

篋也。然歸齋岑寂時。總弗如研山於明窻淨  
几。舒卷獨領其趣。則余尤不能無心妒也。隆  
慶五年。歲在辛未。夏五月十有四日。茂苑文  
嘉題鈴印二。文嘉休承。肇錫余以嘉名。隆  
慶辛未秋日。吳郡王穉登觀于平林館。鈴印  
二。青羊君。王穉登印。康熙辛巳春正八日。  
余以靈巖鑒公之約過吳閭。晤漫堂中丞。坐  
深語浹。因出庋藏書畫。焚香評賞。又明日。復

造晤握手。賢郎皆侍。春候初淑。梅香入戶。意  
良適也。中丞念余於宋四家中。獨無忠惠書  
卷。以此見贈。二月十九日。余自武林歸。積雨  
乍晴。景物暄暢。茲卷重裝既畢。氣色益佳。誠  
為神品中之不易得者。因書數語。以志中丞  
雅意。云。時日本山茶二樹大放。列之几右。瓶  
有櫻桃。玉蘭桃花。自臨平汲得安平泉。烹北  
苑紫霞茶。以助清事。輿兒在側。抱甕翁高士

奇。鈐印三。竹窻。高士奇印。澹人。

後隔水

忠惠公墨蹟。平生所見不下十數本。是卷真  
奄有萬安橋風力。而體逸氣疎。不更作折釵  
漏痕。以自壯。當亦隨所書者。別具事外遠致  
耳。臨池妙晤。奚啻迦葉拈花。毋落鈍機也。鎮  
州梁清標。鈐印二。梁清標印。蕉林鑒定。

舊題籤

宋蔡君謨洮河石研銘真蹟。茂苑文嘉題。鈐印二。休承。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全

寶笈三編

收傳印記。天籟閣。高氏清吟堂鑒藏書畫。重

槁李。項墨林鑑賞章。重秋碧。棠邨審定。江邨

祕藏。高士奇圖書記。子京珍藏。項元汴印。重

項墨林父祕笈之印。子孫世昌墨。五重林五重河

北棠邨梁印大學士章。戊寅管生員嶠真逸。

石閭墨林項季子章。一重合同五重中常氏清河

頤晏元汴。一重子京所藏墨林堂忠孝之家方

孝孺印。內翰第府。大明安楚昭勇將軍李氏

珍玩。蕉林玉立氏圖書。田氏師孟天官大夫。

子京。一重張氏印石閭高岱寄教項叔子項子

京家珍藏。一重鴛鴦湖長竹窻士奇寶藏圖書。

半長洲張氏□軒收藏墨林秘玩。重冰聲閣  
印。桃花源裏人家。墨林□叟。若水軒。子京父  
印。虛朗齋。行中書。南陽葉氏珍藏。雲莊□□  
高□。博雅堂珍藏印。項氏子京。元聞珍玩。惠  
泉山樵。槁李項氏士家寶玩。竹窻書畫圖記。  
退密。蕉林書屋。平生真賞。河北梁清標鑑定  
印。本幅半印六。鈐縫長印一。後幅雙龍圓印  
一。俱不可辨。



謹案是卷乃論硯。非銘體。然王芝鄧文原薛  
穆諸人皆稱為銘。殊不可解。今仍其舊。田衍  
字師孟。京兆醴泉人。徙太原。再徙蒙城。歷知  
河中府。見松雪齋集。吳全節字成季。號閒閒。  
饒州安仁人。學道龍虎山。鄧文原字善之。一  
字匪石。綿州人。吳雲號友雲。宜興人。唐肅字  
處敬。號丹崖。山陰人。張紳字士行。山東人。薛  
穆字公遠。號澹園。又號北澗。生松江人。王穉  
登字伯穀。江陰人。移居吳門。俱攷見續編。陸  
友字友仁。自號礪北生。博雅好古。工漢隸。八  
分。見吳中人物志。滕用亨初名權。字用衡。因  
避諱。改今名。吳縣人。學問辨博。尤精六書。永  
樂中授翰林待詔。見延休堂漫錄。

李公麟臨韓幹師子驄圖 一卷

本幅絹本。縱一尺二寸三分。橫四尺三寸。設色畫。驄馬飾鞞纓絡頭。不施鞍韉。奚奴錦帕裹首。朱衣白袴。鞚而行。自題右。奚人習馬。見李王煜閣中集。爾雅兩目白為魚。杜子美贊備道之。頃楊直講家藏。幹馬樣十八疋。此第二。名師子驄。公麟傳寶。自先子於皇祐間得之。鄉人馬忠肅亮家。在江南時已無四足。今

謬補之。雖虧電電之資。而一日天

字關一

固不

害於胃臆。凝神之賞。當能知之。元祐五年五

月。北岸魚樂軒題君

字關一

李公麟

字關一

時鈴

印。龍眠居士。

安陽韓純彥師質嘗觀。

翟伯壽。米元暉。紹興丙辰季夏十二日同觀。

朝議大夫王公年丈。嘗以商時銅尊贈

二關

字伯時。戲為此以報其贈。俾余書讚。六月望

日。金陵李回少愚題。俱無印。

卷內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽全寶笈三編

收傳印記韓彥良氏歸來印商邱宋犖審定

真踪希之一重緯蕭草堂畫記

謹案韓純方字師質忠獻公琦子官徽猷閣直學士宋史附琦傳翟伯壽名耆年丹陽人衆知政事汝文子見無錫志元暉米友仁字也李回元祐進士紹興初衆知政事江寧人戶部侍郎琮子見萬姓統譜宋史附琮傳

宋李公麟畫仙山樓閣一軸

本幅絹本。縱三尺四寸五分。橫五尺五分水。墨畫。溪山重疊。樓閣參差。微波泛舟。長橋策騎。款龍眠居士鈐印一。龍眠原題。擾擾黃塵。復馬鞍。幾人消得此中閒。綠陰清晝深如水。飽看溪南雨後山。此圖乃前輩龍眠居士李伯時作也。伯時為舒城大族。登進士第。與駙馬都尉李公炤交好。公炤善墨水畫。竹石頗

佳官至海平軍節度使。遂終其所珍之文具。俱為猶子范公所有。一日招鎮往觀焉。即出此幅命題。余曰。此先輩大家真蹟神品之物。余何敢題。范公索之再四。不得方命。並識其事。至正元年春月。梅華道人戲筆。鈐印一。梅花菴。柳邊游騎水邊船。爭向西湖醉管絃。記得當年行樂處。六橋風景尚依然。丹邱柯九思。鈐印二。柯九思。丹邱。

軸內分鈐

高宗純皇帝寶璽乾隆御覽之寶乾隆鑒賞

鑒藏寶璽

五璽全

寶笈三編

收傳印記都尉耿信公書畫之章耿會侯鑒

定書畫之章口藏

宋米友仁姚山秋霽圖 一卷

本幅紙本。縱一尺一寸三分。橫七尺二寸八分。水墨畫。自題姚山秋霽。元暉鈐印二。上圖印。漫漶不可辨。下方印元元道人。

後幅題跋

姚峯溪頭車騎散。鏡湖影裏畫圖開。有客相尋草堂去。何人却棹酒船迴。是處山林有真隱。如此風塵無好懷。青袍不似黃冠樂。米老



風流安在哉。右米敦文姚山秋霽圖。雲山煙  
樹。景象蕭閒。深得乃父之遺風。余見之。漫綴  
二絕。以識歲月。時至正乙酉秋八月望。吳興  
趙肅題。鈐印二。趙肅。趙彥恭印。宏治戊申。

秋八月既望。同范庵李公史君明古觀米敦  
文雲山卷於王氏清蔭堂。令人心曠神怡。頓  
起煙霞之想。長洲沈周鈐印一。沈啟南氏。  
米敦文嫁妹於姚村。故有大姚村圖及姚山

秋霽卷。蓋皆在其妹家所作也。不事色澤。而天真爛漫。若雲光煙靄在其筆端。可謂盡洗畫之謬習。元則高侍郎方方壺。我朝則沈徵君文待詔。陳道復父子。庶幾似之。太原王穉登題。鈐印二。王穉登印。青羊君。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽

寶笈三編

收傳印記紹興內府書印。重綠雲館。熙崇口  
派。鐵華巖上主人。蘭谷賞心雲壑。結廬在人  
境。句曲外史。達善祝允明印。中鈐縫印。一幅  
尾押上鈐印一。俱不可辨。

謹案趙肅字彥恭孟頫兄孟頫之孫姪由辰  
之子官松江府華亭縣務稅課大使詳見續  
編肅自書母墓誌。

宋趙伯駒桃源圖一卷

本幅絹本。縱一尺三寸。橫一丈六寸五分。青  
綠畫。武陵桃源圖款。千里伯駒。隸鈐印一。  
千  
里。

後幅題跋

漁舟何招招。浮在武陵曲。

乙曲字去水施輪。應作

擲餌信流去。誤入桃源行數里。清源行盡花  
絲絲。蹋花覓徑至洞前。洞前蒼黑煙霧生。暗

行數步逢虛明。俗人毛骨驚僊子。爭求致詞  
何至此。須臾皆破冰雪顏。笑顏委曲問人間。  
因嗟隱身來種玉。不知人世如風燭。筵羞石  
髓。勸客餐。銍蕪松枝留客宿。鷄聲犬聲遙相  
聞。曉色蔥籠映五雲。漁人振衣起出戶。滿庭  
無路花紛紛。翻然恐迷鄉縣處。一息不肯桃  
源住。桃花滿谿水似鏡。塵心如垢洗不去。仙  
家一出尋無蹤。應作建民胡布。鈴印三胡布。

胡建民山齋宣和天子開畫苑畫史當時

皆妙選王孫公族總好此精絕誰如趙希遠

君不見開元之中世尚文宗室亦有李將軍

希遠得<sub>得字</sub>之師得其妙思陵寶重逾千鈞

松下何人白練裙蕭散似是華陽君展圖安

得從爾去相伴吹笙卧白雲至正廿四年六

月既望玉山顧阿瑛鈴印二吟餘清興陶冶

性靈隴西彭文貞觀鈴印一彭文貞氏

卷內分鈐

高宗純皇帝寶璽乾隆御覽之寶乾隆鑒賞

鑒藏寶璽

全五璽

寶笈三編

謹案趙伯駒字千里考見續編胡布字子中  
一字建民河南人善草書見書史會要顧阿  
瑛本名德輝字仲瑛崑山人舉茂才署會稽  
教諭力辭不就隱嘉興之合溪自稱金粟道人  
見列朝詩集

宋趙伯駒蓬瀛仙館圖 一卷

〔本幅〕絹本。縱九寸七分。橫七尺九寸六分。青綠界畫。畫蓬山瀛海。玉宇瓊樓。畫橋跨空。層臺高揭。雕疏四啟。仙袂凌風。鈐印一。趙千里氏無款。

〔卷內分鈐〕

高宗純皇帝寶璽。乾隆御覽之寶。乾隆鑑賞。

鑒藏寶璽

全。五璽

寶笈三編。



收傳印記退密張世奕印重口口姚廣孝印

長生口口學士封印半口齋印直口印半游印半竹

西里人金應桂印重京印半內府書印審定真

蹟口口居士東隱印半元雪齋浦城楊茂三印

漫漶

宋趙伯驥仙嶠白雲圖一卷

本幅絹本。縱四寸八分。橫二尺五寸二分。青

綠畫。白雲青嶂。瓊宇璇淵。款伯驥無印。

後幅題跋

巨靈劈洪濤。丹崖千丈岌。礧礧雲骨碎。風泉

幽相扱。日月互蔽虧。陰崖火焰熠。波光損一

洞門周髀如字。一笠冰雪散朱明。乳竇四時

濕。崢嶸倚天開。鬼怪疑龍蟄。雲房夜不扃。風

穴鶴頻入峭類馮夷宮。函式仙人笈。金經不

磨滅。石室間能級。神仙不記年。安期誰可挹。

且作逍遙遊。蒼損一字。真獨立。東海徐憲元度。

鈴印一。徐憲元度。陳經。楊懋。全觀。鈴印一。

恨不十年讀書。趙伯驩。字希遠。千里弟。畫

師二李。得其精髓。與兄頡頏於紹興間。有二

難之譽。凡得其片縑尺素。貴若拱璧。此臨李

昭道縮本。精采煥發。細潤秀損二字。屬神品。當

珍襲笥中。勿輕示人可也。至大三年春三月  
既望。管道昇書。鈐印一。仲姬。危崖列嶂直  
相連。指點蓬瀛繞坐前。更愛滄溟千萬頃。波  
光直射到身邊。東楚湯垕題於宜晚樓。鈐印  
二。湯垕容庵。希遠此圖。布置高遠。杳渺無  
際。觀之真有咫尺千里之勢。苟非神品。曷克  
臻此妙境也。漢易吳睿。鈐印一。殘損。吳郡  
陳文彥借觀。時庚子仲夏一日。鈐印一。白室。

山人。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽。寶笈三編。

收傳印記。彭年。隆池山人。

謹案陳經字正甫。宋慶元中進士。吳睿字孟思。杭州人。自號雪濤散人。俱致見續編。湯垕丹陽人。慶元市舶提舉。炳龍之子。為紹興路蘭亭書院山長。終都護府官屬。見鎮江府志。蓋即字君載。作畫鑑者。徐憲字元度。無錫人。延祐間由校官辟三公府掾。歷拜兵部侍郎。

見常州府志

宋李唐山館圖 一軸

本幅絹本。縱四尺八寸八分。橫二尺五寸七分。設色畫。螺峯疊聳。雁陣斜排。高閣凌虛。繇林擢秀。二人傍石欄坐。一人抱阮而來。童子供役者凡四。無款印。

石方舊題籤

宋李唐山館圖真蹟

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

謹案李唐字晞古河陽三城人考見續編



宋蘇漢臣畫五瑞圖 一軸

本幅絹本。縱五尺一寸八分。橫三尺二寸。設色畫。竹院藥欄。五嬰兒聚戲舞蹈。或塗面。或戴面具。或秉笏。或播鼗鼓。皆耳環手釧。繡袴文襦。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全。五璽

寶笈三編

收傳印記勅賜璫恩堂記

謹案此圖標義作五瑞圖似與宣和畫譜道  
釋門所載間立本吳道子五星七曜等像相  
類。蓋未諦審所戴為假面具及耳環手釧之  
飾耳。今標籤姑仍舊以不編入珠林故辨著  
之。

宋蘇漢臣九孝圖 一軸

本幅絹本。縱三尺八分。橫二尺一寸二分。設色畫。梅花下童子騎羊。羣羊飲齧。寢訛紛繞。其側無款印。

右方標綾舊題籤

宋蘇漢臣九孝圖。神品。南友主人藏。鈐印一。南友堂。

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

取傳印記神品安儀周家珍藏商邱宋犖審  
定真跡宋犖鑒定牧仲心賞世世子孫其永  
寶用

宋劉松年壺嶠仝期圖 一卷

本幅絹本。縱一尺三寸。橫一丈九尺三分。設色畫。翠巘瑤岑。芳林異卉。衆仙執扇拄杖。行山徑者八。從者三。臨海將渡者二。仙渡海者二十一。仙所乘者。或以卷。以拂。以扇。以壺。以葦。以荷。以蟾。以魚。以蟹。諸狀。一仙迎於岸。由海岸躋山。曲折進者二十九。仙洞天迴闢。桃花繞其旁。中或袒。或跣。坐者六。洞外循陂陀。

行者六。一童荷藥筐先導。又一巖洞豁然。一  
仙面丹壚而坐。侍坐者七。傍洞門立者五。松  
下行者五。馴鹿在前。一童植杖而竚。巨石峭  
立。瀑布懸流。一仙鼓琴坐聽者二。鶴翔集於  
側。無款鈴印二。劉松年印。清波居士。

卷內分鈴

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

謹案劉松年錢塘人攷見續編

宋劉松年唐五學士圖 一軸

本幅絹本。縱五尺四寸五分。橫三尺三寸。設色畫。文石雕欄。架排縹素。五學士巾服束帶。一面案展卷坐。與一旁坐者對語。一倚案。一白。一前立解衣。一倚松根執卷諦視。左右給役童僕四。其上喬松夭矯掩映花枝。原題學士。太學博士。吳郡陸元朗。字德明。年六十七。贊曰。儒行為貴。元風可師。博學非遠。離經在



茲○學士○太學博士○魯國孔穎達○字仲達○年五

十六○贊曰○道光列第○風傳闕里○

原闕按劉松年唐十

八學士卷義霞開談詞賦起○學士兼主簿○隴

西李元道○字元□

原闕按十八學士卷當作易字

年四十九

贊曰○抑揚物範○昭晰風格○業擅專門○名高重

席○學士○陝東道大行臺考功郎中兼記室上

柱國臨淄侯清河房喬○字元齡○年四十七○贊

曰○當年勵節○奉上忘身○才兼□□

原闕按十八學士卷

翰當是藻思入機神。學士典籤武功蘇。最年二  
十四。贊曰。業敏游藝。莅事躬勤。書傳猷□□  
原闕。按十八學士。美丹青。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽寶笈三編。

收傳印記。皇明姻室懷柏清玩神品。珍玩乾  
坤清氣。墨林甫子京甫印。項墨林甫祕笈之

印。王翬之印。二印漫漶。

謹案是圖與劉松年所畫唐十八學士卷第三段人物布景均同。圖中題讚與唐書玉海相出入處亦一一脗合。此軸當是摹本。十八學士卷分四段。摹本亦應有四。以失其三。遂題為五學士爾。

宋李嵩畫海屋添籌一卷

本幅絹本。縱五寸九分。橫五尺一寸三分。設色畫。金碧樓臺。羣仙高會。一鶴銜籌。自空而降。巖洞花木。極奇奧窈深之致。無款印。

後幅題跋

樓觀飛雲空。洞府構神宅。夜半天鷄聞。扶桑爛晨色。漢殿尚縹緲。仙靈下何時。試採峯頭蓮。歲徃進瑤卮。朱陵奠南紀。嵯峨三峯秀。匹

練垂風湍。僊巖舞懸溜。絕壑引泉瀉。浮巒紫  
霧重。何由拾靈草。彷彿遇昌容。雲卿書於石  
秀齋。鈐印二。莫大雲卿。廷韓。蘇端明。米南  
宮尺牘云。偶得古玩。輒彼此贈貽。遂為千古  
韻事。研老能會此意。則後之視今。亦何異今  
之視昔也。康熙辛亥五月望後六日。雨窗漫  
識。時在燕山邸舍。澈關荃鈐印三。傳經堂。沈  
荃之印。繹堂。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全。寶笈三編。

收傳印記。傳是樓。振衣。半印。徐炯收藏書畫。徐

德淳印。守樸。花谿。半印。

謹案莫雲卿初名是龍。以字行。更字廷韓。號秋水。華亭人。攷見續編。

宋李嵩聽阮圖 一軸

本幅絹本。縱五尺五寸四分。橫三尺二寸五分。設色畫。秋院綠陰。一人執拂晏坐。仕女四。擘阮。揮箎。拈花。焚香。款李嵩。鈐印一。錢塘李嵩印章。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

宋夏珪雪屐探梅圖 一軸

本幅絹本。縱五尺五寸。橫三尺三寸五分。淺設色畫。雪巖梅塢。一叟扶筇。童子携琴作指點狀。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全。璽

寶笈三編。

謹案夏珪字禹玉。寧宗時待詔。自李唐以下。無出其右者。見陳善杭州志。



宋夏珪山居留客圖 一軸

本幅絹本。縱五尺一寸三分。橫三尺一寸八分。水墨畫。峭壁插雲。長橋跨水。二叟憩飲林屋。童媪治具。一僕弛擔而睡。一人抱琴方來。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

宋岳珂自書玉楮詩藁 一冊

本幅紙本。相裝二十五幅。皆縱八寸。橫九寸。

六分楷書。玉楮詩藁第七第八兩卷。全不錄首

頁前二行。標題玉楮詩藁卷第五。作五當相臺

岳珂肅之。卷第八首頁前末幅自記。此集既

成。遣人謄錄。寫法甚惡。俗不可觀。欲發興自

為手書。但不能暇。二月十日。偶然無事。遂以

日書數紙。至望日。訪友過海寧。攜於舟中。日

亦書數紙。迨歸而畢。通計一百零七版。肅之記。

前副葉舊題籤

玉楮詩藁。鈐印一。嘉禾李氏珍藏。

冊內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽。寶笈三編。

收傳印記。鮮于司勳郎印。仇遠黃公望印。虞

集。脫。脫。訓。忠。之。家。天。遊。生。呂。慶。芷。印。劉。時。中。  
氏。建。錫。之。章。澄。虛。道。人。項。叔。子。項。墨。林。鑒。賞。  
章。

謹案 欽定四庫全書所收王楮集提要稱得自高唐王家舊鈔本凡八卷此手書  
葉僅存兩卷卷中詩與王氏鈔本數合字句  
亦無少異惟首頁題卷第五王氏鈔本是第七此  
五字為後人所改檢卷尾仍題卷第七可證  
其卷七舞鶴四絕久首夜涼桂殿玉笙吹句  
此葉損桂殿玉笙吹五字夢回一曲天風香  
句此葉損一曲天風四字白水浦懷王建寧  
無衣空縕包胥志句此葉損包胥二字卷八  
題泥行終日至晡始抵中橋此葉損始抵中

三字問道宜興二首小注。末句故云。此藁損  
句字題過順風。此藁脫風字。餘俱同。岳珂號  
倦翁。飛孫敷文閣待制霽子。宋史有傳。

宋錢選九陽消寒圖 一軸

本幅絹本。縱二尺五寸五分。橫一尺四寸六分。設色畫。嬰兒衣貂騎獐羊。乳羊八。戲其側。款吳興錢選舜舉鈴印一。舜舉原題。予嘗見邊鸞有九羊圖。踟躕之態。各極其妙。宋季名畫家多效仿之。惟以工麗刻畫見長。非僅務傳彩設色也。進士錢玉潭先生工於人物。凡所描繪。無不精雅。此戲嬰圖。以九羊補綴成。

景。益見古藻繽紛。都非時豔。涿郡陶九成祭  
酒得此幘。問跋於予。因書數語以質之。時在  
至正辛丑孟夏之吉。西坡蘇大年。書。鈐印二。  
蘇大年印。昌齡。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全。

寶笈三編。

收傳印記。明山。灌畦老人。

謹案錢選字舜舉號玉潭吳興人宋景定間進士入元不仕致見續編蘇大年字昌齡號西坡一號愚公真定人居楊州元末官翰林編修避兵居吳為張氏叅謀稱蘇學士見列朝詩集



宋人畫百花園 一卷

〔本幅〕紙本。縱九寸八分。橫五丈二尺四寸。墨畫四時花卉。魚鳥草蟲。無款印。

〔卷內分鈐〕

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全。

寶笈三編。

〔收傳印記〕恒山魏允襄陶侶圖書。方邵邨曾觀棠邨蕉林梁氏書畫之印。

宋人畫花鳥一卷

〔本幅〕紙本。縱八寸二分。橫六尺二寸。設色畫花鳥各四種。無款印。

〔後幅〕題跋

君家庭下有偁樹。還疑天上迎移將。素姿映月裁。崑壁幽韻因風散。楚香笛聲何處起。高樓金井飄來值早秋。獨坐紗窗看皓魄。清光萬里向西流。繡谷杜綰書。鈴印一。杜綰印章。

凡寫花鳥。須渲染鮮妍。倚風浥露。有能言  
欲舞。歌斜反正。含笑若嘔。斯為妙手。此卷殆  
諸美具矣。奚容多贅焉。吳郡陸行直書於致  
和齋。鈐印二。陸季道氏致和齋。至正廿又  
二年夏五月。舟過嘉禾。訪瑩之吳氏頡秀園。  
主人持示此卷。閱之良久。精妙莫比。乃知宋  
人真蹟。非近代名手所臨也。凡寫生傳神。有  
此氣色。可稱神品。何必再論兔鰐松滋之神。

妙耶書以歸其卷。高郵龔璠鈐印一。學圃鑒賞圖書。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽。全。璽寶笈三編。

謹案陸行直字季道吳江人龔璠字子敬自高郵徙平江俱攷見續編跋中所稱瑩之乃吳璠字也。

宋人畫萬山積雪圖 一軸

本幅絹本。縱四尺五寸二分。橫二尺五寸。淺設色。畫重巖積素。傑閣凌虛。寒色四圍。憑欄獨眺。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

收傳印記。莫氏賞鑒書畫。大宗伯章。

宋人畫子孫和合圖 一軸

本幅絹本。縱五尺七分。橫二尺五寸六分。設色畫。荷花一盞。羣兒聚嬉。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全。

寶笈三編。

宋人畫萬年青 一軸

本幅磁青牋本。縱三尺八分。橫一尺四寸六分。設色畫綠瓷盆一。中植萬年青。無款印。軸內分鈐。

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全 寶笈三編。

收傳印記。雙龍小印。墨寶齋。李氏家藏。清白傳家。華亭張天驤甫。訓忠之家。丹邱柯九思。

章。楚寧。

印。墨。

北燕張氏家藏。別部司馬希世之

珍。魏府之印。政和。大明。安楚昭勇將軍李氏

珍藏。忠孝之家。子敬甫。口曲口印。柯九思。緼

真齋。密公璫之章。又印二。半印二。不可辨。



宋人畫龍一軸

本幅絹本。縱四尺八寸七分。橫三尺一寸一分。水墨畫行雨龍。無款印。

軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編

宋人畫子母牛 一軸

本幅紙本。縱五尺五分。橫六尺一寸。淺設色。  
畫一牛領犢。齧草。鷓鴣啄牛背。牧童蓬頭袒  
臂。坐柳陰下。引手調雀。置籠於側。無款印。  
軸內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

全五璽

寶笈三編